



愛日園集 題照編珠

樂五知

予生五月五日先君子因命名曰午寶



識去夏辰

也予自幼精力頗健故能午夜讀書喜無倦色
每至雞鳴月落堂上呼眠回首不可復得迄今
園居多暇性好丹青九繪事名流輒為予寫照
諸同人來遊斯園幸不吝珠玉予自揣謏陋何
敢當大雅翰墨然吉光片羽有足珍焉且藉以
見輒生故態耳

愛日園集卷四

丙子清和希賢謹識



愛日園集卷四

南通州 保希賢 杏橋輯

題照編珠

愛日園圖

張 燾

繞樹羣鳥八九依山橫翠黛水凝脂多君曉閣
寒簾坐猶記珠襦哺乳時

胡長齡

地騰懸弧似孟嘗嘉名猶記錫高堂風光最好

愛日園集卷四

一

雙了髻夫子難忘數似牆紅雨一圍文杏樹絳
雲十里午橋莊晉公事業知堪記卜築依然碎
錦坊

詩中有畫畫中詩愛日園亭日涉宜曉霧半籠
幽澗水山禽多上綠楊枝循陔曾戀春暉永捧
檄何嫌宦轍遲報最榮歸開畫錦五湖還與薛
蘿期

滿庭芳

熊 璉

啼鳥聲中絳雲影裏幽人住傍芳菲山窻閒坐
閣靜曉風微消遣傳家書劍湘簾捲綠遶紅圍
年年是匝園花柳對景惜春暉 清才原絕俗
煙霞胸次揮洒天機占畫圖妙境有酒盈卮念
念蒲榴令節何曾忘孺慕瞻依長安近瓊林宴
後膝下舞斑衣

夢繞親闈圖

袁枚

人生夢境緣想成百爲不如一想真幻形幻相

愛日園集卷四

二

皆假設箇中洩露真精神卮卮一枕黃粱熟多
少榮華等蕉鹿杏橋素性重天倫有官遲就思
顧復丹忱一點夢相符赤靈童子開清都進果
儼承膝下歡同堂聚首雙親娛夢花夢蝶皆虛
妄孝思通靈惟實狀

平生夢

金

榜

蔑門

人生欲得乘鸞鳳望眼思追飛仙鞿吁嗟百年
歡聚場古今一瞬成大夢夢中之夢誰爲真杏

橋孝思通慈親手指新圖爲予說燈前身卽膝
前身是時丙午八月夜驀地神飛白雲舍分明
袖出粵黃柑趨承笑顏近芳榭有婦旁列舊匹
儔笑對庶姑拭覆甌腴未致豐洗致潔還爲舅
姑珍重謀小星亦知勤內則風過竹爐試茶薺
桂花月上捲簾鈎露冷香深濕堦蘚此景此情
渾如初覺來樂事南柯虛起看橫月書半掩倩
畫作記愛日廬予聞斯言三太息彼蒼者天曷
有極五更夢醒望雲心一聲雞唱催曙色

踏雪訪梅照

吳鳴鏞 雲士

兩戒飛翼絕點埃先生匹馬上蓬萊吾廬本愛
人如菊心地今看雪似梅驛使早將春信報仙
風應自故園來祥占玉樹森森立爭向百花頭
上開

春遊芳草地

徐觀政

我所思兮在崇川愛日園中春色鮮芳草芊芊

綠滿田王孫不踏幽人眠先生腹笥何便便長
堤緩步如謫仙溪光不動晴生烟捨此不樂何
求焉

夏賞綠荷池

我所思兮保杏橋欲往從之道路遙曲沼荷衣
褪香粉清池翠葉聲蕭蕭玉腕攀折吳歌起藕
絲多在儂心裏臺中姊妹莫相妬西風吹動鴛
鴦水

愛日園集卷四

四

秋飲黃花酒

我所思兮林泉白愛爾秋園如咫尺芙蓉盈岸
菊穿籬人似陶潛醉遺幘月墮寒溪浸玉盤移
燈照菊露團團長安車馬紛如螻誰拙誰優請
自看

冬吟白雪詩

我所思兮君園冬曾坐高齋詠雪風主人重裘
翫梅雪雙鬢一曲歌玲瓏學士茶與太尉酒羊

羔酥酪無不有高燒絳燭詠新詩夜半鷺毛大
如手

雲鹿石圖

李懿會

有邃其園有闕其軒有嶮者石如鹿斯蹲匪叱
而羊匪射而虎匪難於潮匪燕於雨石之與居
鹿之與遊自我天覆雲之油油雲則油油君子
攸怡惟其怡之是以拜之

拜石圖

廉志勳
雲階

愛日園集卷四

五

米巔巔處今古絕見石不啻珍拱壁卽具袍笏
下拜之更倩毛錐攝其鬼堂上突兀撐雲峯蘇
髯枉詡仇池石滄江夜靜清月來上洞下洞生
虛白海嶽菴中人已去玉筍空留飽霜雪豈知
冷落已千年嗜竒今復有同癖

楓林愛日照

孫奎

山徑之谿間介然用成路車轍竟能通往來難
僕數明發歷征途确犖窘行步天寒牛力疲載

重人心懼奮迅欲兼程擾攘爭馳驚清景似畫
圖那復停輪顧大塊有文章多爲塵俗悞杏橋
瀟洒人所涉賞真趣遠上放眼寬薄笨旋小駐
木落露遙邨夕陽紅半樹林楓飽新霜葉葉光
廻互明比赤城霞艷逾桃葉渡愜意騁高吟曠
懷忘日暮歸探古錦囊應勝吳江句

李懿曾

人坐青山錦樹中
翛然高致有誰同
峯銜欲落

愛日園集卷四

六

半輪日葉捲徐來
三面風秋到乾坤
容轉艷心
涵雲海貌猶童
中年絲竹何須寫
權作春花二

月紅

戀景依然孺慕情
鯉魚風裡夕陽明
春暉靄靄
山中夢秋葉蕭蕭
石上聲雲錦莫教寒
雀啁晚
霞多向小橋橫
由來煙景停車好
差勝華鞦韆
轆鳴

山居秋暝圖

摩詰詩中畫斯人畫裏詩可知清境合雅與素
心宜虛籟松風答涼襟竹露披歎歌懷彼嫩河

漢渺相思

天台山圖

李懿會

天台四萬八千丈石梁邈迤不可上琪花瑤草
紛叢生雲髻花顏殊恂恍昔有採芝人阮肇與
劉晨碧桃洞口逢仙子紅樹窻前留古春飽啜

愛日園集卷四

七

胡麻樹玉液擘來新脯是麒麟誰歎慕者杏橋
子林亭占得湖山美擬向天台訪玉真却繪丹
青羅棊几雙姝秀袂共翩躚吸露餐風始射仙
綬山一竇大如斗碎嚼殷紅霞滿口紅霞千片
嵐千重如此洞天稱小有

徐吉人

桐坡

縹緲仙源路已通逢君猶在棘圍中耐煩蠟炬
三條燼苦憶名花二月紅桃實有情沾暮雨桂

香隨意染秋風端詳碧落婣娟影歸擁珠圍趣
可同意去生性與天會

同筆機詞時會來紫閣飄飄氣人不徐吉士勸庭

桃葉桃根翠作圍劉郎夢裏抱香歸胡麻一飯
輕肌骨不信相逢體尙肥

鄭有敦

雷山

相逢同是畫中人形影追隨面目真留得本來
仙骨在天台劉阮識前身

愛日園集卷四

八

天風吹下珮環聲心許相期目許成自是神仙
真眷屬莫教錯賦作閒情

黃惟愚

柳溪

山山水水見桃花花內人餐花外霞何用別尋
花外藥此間亦自有胡麻
何年劉阮記曾來紫閣瑤扉久不開爲語畫工
休作意先生到處是天台

李芳梅

拙齋

瑤草瓊芝洞壑幽石梁橫壓瀑飛流僊姝一笑
相逢處不藉胡麻作蹇修

園亭小築畫巒西愛日情深撰杖藜剛是趨庭
馮雲鵬 晏澥

僊人到處踏雲霞欲把天台當作家一顆蟠桃
餐未了阿誰邀去飯胡麻

嬈嬈雙珠下石梁桂花影動水流香羨君繪得
分身瀟半作劉郎半阮郎

自詠圖

愛日園集卷四

九

保定緯

綠莎空暎碧雲鋪老樹婆娑色更腴白髮蒼茫
悲杜叟風襟得似少年無

浚蕩晴明一望空不須點綴借天工他年螭坳
從容立記取圖中兩袖風

觀 雲崑

園亭小築畫橋西愛日情深撰杖藜剛是趨庭
延佇久更教徒倚向長堤

西江月

馬 翰 修田

秀骨天生拔俗名
山腹內藏書
風流散步綠陰
餘妬殺當年張緒
志遠非關骨傲
才高却見
心虛蒼茫獨立待
何如敲得新詩
自語

芙蓉桂圖

洪素

誰說秋容冷淡時
名園景色摠堪思
主人雅有
評花筆種得秋風第一枝
玉質亭亭侍立
初美人親送
古人書晉卿漫說
家姪麗只恐名花也不如

愛日園集卷四

把釣圖

鄭有敦

極目送飛鴻
尺素難通
蓮塘魚戲自西東
正好
凭欄問消息
十里香紅
花氣撲簾櫳
含桂軒
中一竿清興與誰同
君若揚州同結夏
荷浦薰

風

洪素

小艸書畫船照
行風吹綠
荷葉
洪素

吳孃打槩鏡中行
激灩湖光澈底清
名士煙雲
浮筆墨美人
水雪淨聰明

燒殘紅燭夜吟遲絕好丹青絕妙詞風雅只今
推博士班門何敢再題詩

調馬圖

周長泰

燕南趙北憶停車記得驂驪道上賒顧我風塵
懷昔夢羨君鞍馬試桃花斜陽斷嶺生春草細
雨雕鞍踏玉沙他日方州如作牧調民比此更
情嘉

顧金椿 蓉塘

愛日園集卷四

七

芳草如茵剪最齊踏青隨意傍山溪落花遍地
紅無數十里春風送馬蹄

騎牛圖

勞 星巖

五山高眺景無窮指顧江流接太空詩興不須
驢背雪鞭絲閒煞馬蹄風嵐開八面平沙白花
駐三春二月紅道上漁樵相識否隔林遙指一
仙翁

唐仲冕 陶山

羨君才調軼鄒枚通籍還爲汗漫遊家起樓臺
原駐馬胸藏雲壑偶騎牛也須挂角觀書矣底
事投錢飲水不隔渚有人相望汝喧傳仙吏在
河洲
周長泰

一川莎草萬山烟獨跨烏犍在水邊才子偏騎
牛最穩先生原是硯爲田雲籠遠樹青千里雨
滿芳郊綠一鞭我亦願隨江上路同吹短笛杏

愛日園集卷四

七

華天

鄭有敦

南山相對結書堂伴我緝編又錦囊朗誦不須
頻叩角任他塵擁馬蹄忙

翹首青雲塔頂尖牧人心事一身兼過橋春色
紅如雨可許相逢問酒帘

讀書圖

張燾

花外清波柳外橋春秋佳日儘逍遙煙開東旭

禽初噪爽挹西山袖欲飄乍可移床臨竹屋無
妨脫帽對松寮間來讀畫摹唐宋閉戶園林未
寂寥

銷夏圖

劉棻伊

消夏灣頭水滿溪竹香荷影共留題刺船無限
清陰好楊柳輕風落照西

李懿曾

銀塘仙蕊發紅葉小立虹橋興有餘薄暮好風

愛日園集卷四

三

溪上過絲雲千片壓游魚

胡長齡

虛閣俛清波藕花剛出水薰風蕩流紋柄柄芬
芳起何須醉碧倚幽趣已如此

李芳梅

小平山外晚風輕道暑林亭淑氣清君子花兼
君子竹箇中月露有餘情

叙秋圖

徐觀政

緩步清秋豁素襟與君把臂入幽林應知愛日
園中意摠爲循咳潔養心

望江南

熊羆

雙眼濶寄興在烟霞只有幽蘭堪作佩素心入

愛素心花秋色勝春華吟懷遠獨立避塵囂

讀罷楚詞秋益淡詩成天籟自蕭蕭畫裏識清

標

採蘭圖

愛日園集卷四

古

洪素

浩然居士性愛梅五柳大令癖愛菊茲園愛日

兼愛蘭豈惟賞心供悅目呼童來自山之巔披

榛遵彼南山麓庭闈眷戀不遑安潔爾晨饑馨

采菽椿榮萱茂記一時畫錦堂開兒孫福於今

回首卅載餘孺慕不忘恩鞠育木有本兮水有

源杏在林兮蘭在谷采之采之欲貽誰寸草春

暉親不復親不復兮可奈何畫圖權當南陔讀

紅袖添香夜著書照書人幽鄭有敦

龍門百尺月初明竹影花陰心與清閒亭書味
兼香味絕世風流宋子京

愛日園集卷四

五

兼香味絕世風流宋子京

龍門百尺月初明竹影花陰心與清閒亭書味

愛日園集卷五

南通州 保希賢 杏橋輯

散體滙鈔

半畝幽閒額跋

凌世昌

昔歛邑程氏卜築別墅顏其額曰可以園乙未
歲樂齋張觀察假館暫憇暇日集僚友賦詩樂
齋首唱四章滿座和韻鄙人亦與焉有半畝幽
閒可以居之句題奉杏橋賢契其和詩首章額

愛日園集卷五

一

聯云四壁晴巒高閣敞一灣碧水小橋幽杏橋
別墅宛然可以園景况而清遠閒曠過之晉陶
處士歸去來辭云園日涉以成趣蓋物外逍遙
昔人每謂不知何福能消受也

含桂額跋

袁世昌

保子杏橋愛日園藏書萬卷有亭翼然左右植
芳桂爲玩月地唐人云月桂含秋發夫所發必
本於所含含之愈大者發之愈光蓋息深深迺

達壘壘爾因以含桂額其楣

園中小平山額其高堂華翠屏周長泰

山似行文不喜平前人句也然郭熙論山云自
近山望遠謂之平遠則山又喜平矣歐陽子題

平山一闕占盡風流不意千載後被杏橋主人
墮得一幅湖山副本安置西莊莊前後望南北
山各五山平如掌石色四青而林亭竹木之勝
亦復不減廣陵之平山夫平山有小香雪小秦

愛日園集卷五

二

淮茲園亦小平山也山中入其歐陽之亞乎

容膝額跋

王文治 夢樓

容膝易安陶靖節也可以容膝白少傅也昔者
紫陽大書於額蓋謂名教自有樂地安宅卽在
人心非僅日涉園中以成趣也杏橋先生舉明
經策仕版他時振足雲衢指顧間耳頃於愛日
園中經營十笏奉其高堂彈冠意緩舞綵情深

可以希風晉唐矣

愛日園舊有土崗狹而庠嘉慶二年丁巳春杏
橋先生購石數十鳩工疊之相高下形勢悉得
其所於是有臥者立者猊蹲者瘦透皺者獐者
滑如砥者命土人負畚掬從事崗之大且高數
倍於舊偉然改觀岡下有古栢蚬螺蒼翠約二
百餘年物栢之旁巨石對峙如峽其一嵌金書
濤飛半壁四字光隱林樾行其中洞洞然如入
山坳矣戊午冬余與綺邨過其園捫栢翠而上
踞磐石清月映郭池水淪漣寒犬狺狺吠籬外
不減華子崗夜遊時主人謂余曰昔王裴之樂
不過爾爾有妙筆傳之斯千古矣吾子言語妙
天下盍爲我記之余曰唯唯

愛日園集卷五

三

浣雲閣同人賞木芙蓉跋胡長齡

魚風幾陣艷散林隼雀雨連宵花明亭榭墜波
心之菡萏紅粉初消開木末之芙蓉絳幃又捲

剛有浣雲傑閣愛日名園客爲西鄂文人主是
南皮公子秋多暇日蘭亭小集華裾地產嬌花
梓澤同賡雅咏對拒霜而蘸異憐柞木以摘毫
小平山左敞畫畫之紗櫺鴻寶堂西綴離離之
錦薦朝霞色淺依略約以橫斜埜燒光騰映文
漪而倒射俄焉八唵各畢四韻俱成幽燕宿好
旣嘆惜以風生河朔少年亦英多而雀躍數過
竹林之七罰辭金谷之三古詞拳罷如披正則

愛日園集卷五

四

之騷官渡開初不減昌黎之句此日花牋共拂
同裁研粉於成都他年人鏡相貽遂曳錦袍於
日下

愛日園種桂樹記

出西城有花縈紅有萍漾碧風景留人殆不可
數夫山水之地幽人賞焉而孝子所蕢山濬水
之區以養其高堂色笑則尤令人撫樹盤桓而
不能忘曩者敬亭先生年九秩康疆如中年杏

橋姻丈以花木竹石迎養而怡之顧杏橋曰汝以山水娛我烟雲供養亦匪懈矣園爲江氏舊地林繁石碎刻露清秀而昔者無桂夫桂非清秋吹香之可愛而子孫能攀折廣寒之桂爲可愛也教之詩書以培其根教之勤儉以昌其葉深根茂葉而嘉樹成是所謂桂也所謂種桂也杏丈謹受教移桂數十本種雲鹿石之右樹成林秋之日綠雲換赤涼風西來虛閣晨開玉犀

愛日園集卷五

五

生粟疊石掩映或列或跪或立或仆水又蠲之瀏如太翁顧之謂世世子孫有能藻耀高翔者期與桂同之戊午秋太翁酌酒花下白露在林摘花盈把屬予以彩牋作賦此景此情不減小山遺韻椰子厚所謂因其地全其天者其在斯乎十餘年來太翁去蓉城矣桂大而成圍四面霏香如海杏橋每過花下輒思之而傷弗克見亦思之而憊乎有見花報秋而淚零秋焉桂之

西巔崖崒崒樓閣重重又奉遺訓寧儉無華仿
晉王昶知足之意甚可尚也茂樹石床元鶴斯
唳予于時聽鶴鳴立花影秋月揚輝睠然忘寢

愛日園雲鹿石題詞

周長泰

西城勝地涿水芳園有石皆靈無峯不轉于時
陟紫嵐之橋開浣雲之閣虛窗浸月廣榭當風
簾捲湘波斜飛紫燕柳拖金縷小坐黃鸝久已
標江上之林亭費主人之皴染者矣爰有雲鹿

愛日園集卷五

六

石者分員嶠之姿仿支機之片自下上上由跗
及巔鬢鬢粼粼苔涵霞駁將毋採自螭潭或竟
緣乎鳧化赤脂青髓瀉若醍醐春漾秋雲烘成
圖畫雨餘溜滴半是烟籠石角陰多全教葉覆
狀如鹿以停蹤勢似雲而遠映長天初霽還留
膚寸之痕曲隴如眠多謝虞人之峭峩峩砌北
嶠嶠樓西荆桃掩映修竹便娟鷓鴣翠鷓鷯鷓
沈鳧于飛嶧蜀爰止澗瀟睇雲根與石色並巖

巖而唵呀每逢楊柳栖烟芙蓉暄雨銀蟾映桂
紅雪肥梅主人于是開迎暉之芳榭做愛日之
綺疏欄如已以紅霏簾名丁而綠淨鸞箋分劈
兒穎摘詞侍立則婢如春草妙解吟詩到門而
客盡元章都來拜石石于是歌花茵而卧與竹
逕相於嵐藏半露彩浚仍濃雲若連而若斷鹿
疑有以疑無或值繁英慘逕落葉鋪紅芳流映
帶秀黛縈紆松高影覆泉響瀑飛真四時之春
而雲鹿之概也顧石有遠情雲無定態如成鱗
鬣將爲雲母之魚若飲霜翎便躍將軍之虎芙
蓉一片何年移向園中花月三分佳景都來袖
底

愛日園集卷五

七

浣雲閣記

金華筆

浣雲閣者杏橋先生課子讀書處也園有溪有
亭而浣雲閣最勝左枕小平山北與鴻寶堂相
向凡簞山之崩巖長阪之逶迤雲鹿石之光怪

與衆卉之棗紅駭綠灌木之槎枿扶疎皆萃於閣顧謂之浣雲何也閣之下有溪溪水清冽與城濠通每當涼秋九月芙蓉煥發萬本殷紅與白雲相映煥然如天孫之錦爛於冰梭也杏橋奉其尊人敬亭先生顧而樂之雖浣紗之溪濯錦之江驚艷竒彩當不過是且杏橋之館余於是閣以課其子也教之詩以浣其腸教之書以浣其心教之古文及名大家以浣其筆三洗五伐而後冰雪淨聰明焉秋山雨洗澗石皆青太空無雲萬里一碧浣雲之義取諸此爾杏橋自揖翠樓徙此因其址而修焉地山宗伯名之曰愛日園而浣雲閣則姜太史退畊題也今杏橋復修是閣屬余爲記而具述之如左

愛日園集卷五

八

清湘舫跋

保希賢

歐陽公以畫舫名齋齋可舫設於齋中者寧不可舫余近構一碧榭坐卧其中以嬉春以消暑

以聽秋以煖寒以懸燈以展畫以蕪名香以安
小影環以簾波清輝四照如舟行碧雲中帆隨
湘轉時也爰名之曰清湘舫云

宜何松菊吾廬跋

保希賢

昔靖節不爲五斗折腰賦歸去來爲松菊主人
勝情高致千載下猶想見之其讀山海經詩云
衆鳥欣有託吾亦愛吾廬甚矣公之葆其真也
若余方從事舉子業家君先慈篝燈課讀其

愛日園集卷五

九

屬望何如敢耽松菊乎哉顧松菊爲先慈所植
吾愛松菊蓋舉足不敢忘吾親耳記先慈嘗
命余曰吾聞學須靜也菱佳莊地頗幽靜乃所
以居吾子也有松後彫有菊傲霜草木若是人
宜何如爰承慈命購而居之見蒼官則思守大
夫官箴也見冷菴則思立修士標格也且日與
二三知己談說古今以期世用庶不虛吾親
望哉獨惜慈雲不駐不能奉板輿承色笑如潘

騎省之賦閒居郭林宗之具鷄黍也予能不顧
蒼松鼓菊而愴然有感也乎

愛日園集卷五

十

蒼松鼓菊而愴然有感也乎

騎省之賦閒居郭林宗之具鷄黍也予能不顧

愛日園集 花闕雜著

不奎

園中有花闕二大字額此予世伯誠齋魏進士書也迴廊折而西爲林木聚處頗有烟雲供養之趣每當倚欄小坐新月初升或蒼烟出林白雲滿逕興至不拘古今體爲之亦得百餘首敢以文字自詡然暮春三月高秋九辰佳節爲文爰令諸子書之自惟固陋不足以存但就正大雅祈教予以不逮也

愛日園集卷六

丙子天中希賢自識



愛日園集 卷六 丙子天中希賢自識

愛日園集卷四

南通州 保希賢 杏橋著

花關雜著

春日園居

生長

昇平世三春擊壤吟
園林耽逸趣風雨寫閑心
愛傍親闈側欣依杖履尋
名流多翰墨雅韻比
瑶琴

愛日園集卷六

題洪景伊負米圖

昔有仲夫子東魯稱高弟
厥後列鼎餐初爲負
米計我友洪仲子順德真堪繼
少小離天都勤
慎風足勵所謀忠恕該賓主
情相契辛苦歷經
年萱室心長繫每當旅食時
灑出邗江涕負米
千里遙常常引弗替天涯惟有母
並不諉棠棣
拜別廣陵城東關綠楊細安
徽行道遲跋涉甘
如薺載欣而載奔望衡猶登第
我未卽宦遊竊

恐親不逮寸草三春暉視膳親調劑接武仰前
賢循陔自砥礪

和徐湘浦見贈原韻

岩壑慕幼輿風月思元度公也濟世才嘉績早
能樹十載西湖邊輿頌來何暮簿書寄風騷圖
史諸典故飄然湖上歸寸心敦古素交誼雲霞
高詩筆蛟虬護投我瓊瑤篇挹此山水趣

甲寅遊莫愁湖呈呂玉照夫子

愛日園集卷六

二

莫愁湖中載酒船莫愁湖上題詩篇我獨長歌
敬三復風流太守獨翩翩憶昔未還金陵日行
春五馬涖崇川遊冶行樂公不暇樂居其後憂
居先不愁堂上無畫錦祇從編戶愁顛連因之
愁者愁盡釋非曰莫愁何愁焉萬民熙熙愁公
去及公之去涕泗漣我益愁公不肯返攀轅頓
遣愁心煎湖水雖濶濶可望公恩之大更無邊
何時我公返我邑民皆莫愁如逢年

親家周綺邨以所刻春柳湖莊詩集索題
湖上家何處門前飛絮彎澄觀若止水彩筆領
春山論古皆全滙斯人不可攀旗亭如畫壁風
雪唱雙鬟

題浣紗圖

千邨比戶勤機杼萬井臨流漚白苧曼容皓齒
出西施亦住尋常野洲渚何處春水不浣紗誰
家桃花不解語獨上姑蘓歌舞臺美人艷色罕
儔侶可惜命薄真紅顏越王兵來悔誰禦傳言
去上五湖船辜負深恩是此女吳宮花草散如
煙豈獨浣紗無處所

文昌宮西園落成

江山門外春光煦澄潭綠搖青山雨百年沼廢
臺亦空荒苔老屋無門戶綠綺彈罷黃鶴飛水
北笛聲吟村豎一從太守泄江鄉善政教民勤
安撫萬戶井竈種桑麻物阜民寧邁往古城南

舊有文會亭春風秋月餘片土訪之文獻猶足
徵三弓拓地栽芳樹芙蓉五朶天際來輝聯奎
壁圖書府桃花酣日奏管絃楊柳舞風開射圃
滿天珠斗燦文光仰見六匡麗碧宇提上芝草
鹿啣啣廣寒曲按霓裳譜彷彿金鰲背上行江
南傳頌循良駐

六枳亭

西園堤畔構幽亭地爲名傳有德馨十日甘霖

愛日園集卷六

四

符喜雨三江賢守耀文星林亭競賦民趨事花
木偏知地効靈道上口碑歌不盡芳勲應共鼎
鐘銘

平灘瓦石記當年此地重新梵宇連夜靜禪機
叅水月風清肄雅樂琴弦河子畫舫停遙岸門
外青山透遠煙滿目菁莪皆手植使君名字古
今傳

題湘浦燕山行旅圖

朝陽多鸞鳳欲附雙飛翼葵藿傾太陽耿耿常
向北傲裝不果行眷戀心彌惻高堂九十餘榆
輝懼離晨循陔日承歡臚綵欣侍側謳吟學廣
微潔膳効子職椿蔭難久留茹嘆曷有極持服
居里門躬耕事黍稷風雨守敝廬葵韭勝肉食
今披北上圖見獵生喜色先生早筮仕冠蓋照
南國茂績歌循良文章發胸臆玉樹皆亭亭皎
若斐叔則賓朋挾遨遊星郵控鞍勒寸心亦忤
忤行旌重拂拭丈夫貴雄飛豈敢耽宴息吟鞭
願同揮長途伴華軼仰瞻蓬萊雲春晴繡如織

呈李煦齋太守

李公美政誰與儔公明廉正治崇州寸心止水
清如秋旣慎且勤布遠猷鷹鷂逐惡去無留懷
保斯民安善柔自公之去民啾啾衆心同望旆
悠悠金山鐵甕遠凝眸隔江惆悵水空流何幸
五馬返驂歸旌旗重泄海東洲兒童竹馬迎且

詎僉曰珠還海西頭

祝固亭張少尹七十壽

超凡骨格來仙島古貌古心敦古道華堂今日
壽筵開稱觥共祝鬚眉皓水桃雪藕不足珍長
生惟有靈芝草更喜膝前得鳳毛玉簫聲裏堪
娛老出就外傳來吾廬日夕文詞勤稽考他年
六籍飽胸中和聲鳴
盛成名早

愛日園集卷六

六

題園

園成愛日茅茨剪背郭柴門鎮日關願頌岡陵
熙壽域敢誇風景說平山稱觴分綠松千尺捧
杖搖青水一灣白雪陽春齊唱和地因名句似
仙寰

癸酉秋輓弟九真

憶昔總角時竹馬同遊戲比鄰居河東共礪青
雲志風雨時相從芸編研古意抱負廻不九中

閎兼外肆講院曾往還雁行循其次羣欽繡虎
才巋然稱偉器每逢大比年同舟多雅誼阿叔
亦同行嘉余爲敏事飲食教誨兼包舉諸六義
忽然君飛騰政蹟冠良吏觀察任濟東報最稱
殊異予欲竭駑駘馳驅供職事于時親年高欲
行志未遂感君寤寐通尺素頻來寄贈我詩序
篇情文咸美備邇日引疾歸猶欣共把臂相見
時未多相隔襟盈淚池塘春草生還來助詩思

愛日園集卷六

七

嘉慶甲戌春和袁介菴表弟六秩

我週花甲又一春弟今初度六旬人父兮母兮
共一根中表可作同胞論憶昔肩隨事堪數弟
排第六我第五母曰舅氏汝宜師八載一堂伴
勤苦流光若箭難回首昨日少年今已叟堂上
白雲相繼飛天空誰作補天手猶記吾弟赴京
都鳩車竹馬恨寡偶遲遲春日鳥鳴嚶雲樹思
深餞別後幾度寒風草閣秋側聞四壁蟲啾啾

作客十年返桑梓，人別重逢竹迳留。盤登野味兼蝦菜，詩酒聯吟伸友愛。兩家昆季半凋零，惟予二人猶故態。今日稱觴我不速，團頭却共悲風木。流水難尋百丈源，綺筵合酌千年醪。五山元鶴自南來，飛度芙蓉峯六六。

丙寅上巳前四日同徐湘浦孫斗泉李漁衫徐德泉方外鑑塘集李緒峯齋中分

賦

愛日園集卷六

八

舊雨更兼新雨吟，春漸入深春。四日後逢上巳，癸丑今換丙寅。

雉水文章孝穆鳳，毛公子超宗四座吟。聲韻遠一庭花氣香濃。

拂扇雲山入妙敲，詩翰墨皆仙袂事。預修蘭渚君家本是青蓮。

名士老僧雛妓湖山佳處留題，已有參寥入座。可無葉操相攜。

祝張洙源先生八秩

傳家壯武晉通侯奕禩耆英物望留寵荷寶書
聯萬卷名高金監壯千秋曲江夙建黃牙戟鄒
嶧還開赤錦樓自是孟鄰承德蔭至今燕翼著
宏謀

鵲起聲華早擅名潞公晚歲更尊榮經傳伏勝
高風古政起張堪教澤成皂蓋雲連春畫鹿黃
堂日暖晝聞鶯謝庭尤喜孫枝茂彷彿瑤池奏

愛日園集卷六

九

六英

淮海英靈集載先慈袁孺人作感賦

白雲望斷幾經年對卷懷思倍黯然一字一珠
流血淚孝慈兩字至今傳

高堂紗幔久空懸多少心思付錦箋最憶機鳴
聲軋軋夜深課讀四更前
坐上音容隔九泉劬勞何計慰終年自憐捧檄
空惆悵風木蕭蕭感墓田

哭晴塘篋圃兩兄

醜酒臨風哭兩兄
雁行折翼自傷情
遙憐寂寂芳魂伴
自顧叢叢隻影行

風雨連牀思往昔
池塘春草夢牽縈
紫燠篋逸響歸何處
應侍慈親向化城

和劉澹竺先生八十壽

彩筆文章報

聖朝天生福慧十分饒
棠陰吏治周黎庶
藜閣

愛日園集卷六

十

文光耀絳霄
軒檻花開圍絳帳
艷陽風煖賣餠簫
方瞳矍鑠精神健
詩滿高樓酒滿瓢

當初弱冠捷南宮
浴下無憂國士風
鵬傍九霄垂翼濶
驥馳千里見羣空
榜花名付青雲迥
泮藻光叨赤日烘
多少程門人立雪
泰山北斗正

當中

文成金翠是仙郎
著述瑤章抵夜光
五嶺鳴琴清且慎
百年解組壽而臧
官裝袖薄無長物
學

海瀾深溯望洋返掉崇川雲水外故園松月更
蒼蒼

暮春柳色引詩情研墨還教筆上耕正是鶯啼
晴晝永遙聞鶴舞畫堂清南山嶂列圖花色北
海樽開醉月明迴憶曲江瓊宴候高標雁塔早
題名

高風梁孟駐溪山重見威儀邁等閒兩美早偕
青鬢日八旬猶伴碧窓閒齊眉舉案應難老藏

愛日園集卷六

十一

酒留賓定不慳最羨萊衣相對舞稱觴集客暮
忘還

名高海內結心知贈答如雲意氣隨珠履盈干
齊祝嘏花箋累百共裁詩我聞郢客彌高曲才
愧江郎欲盡時鎮日吟哦思學步續貂付驥莫
嫌遲

聯吟幾度耐更殘咳唾珠璣貯滿簞入室如蘭
俱欲化立階積雪不知寒屏開錦繡人同祝雪

和陽春句本難一曲南飛聊自譜含毫惟慶竹
平安

遐齡最是荷鴻鈞恰喜親年近九旬公已地仙
誇勝事我將壽佛祝前因寢門元鶴銜籌送花
塢蟠桃浥露新願乞琳瑯詩萬首高堂歲歲共
長春

輓李漁衫

纔向吳江放桂橈一朝痛別信音遙花飛舊地

愛日園集卷六

士

顏俱改竹染新斑淚不消河漢難回星聚日壺
觴空載月明宵冷官匏繫都難就欲遣巫陽賦
大招

題畫綠珠

紅顏薄命古多殤金谷繁華獨擅場玉貌至今
傳妙筆珊瑚人已委秋霜

玉碎香消傾刻間披圖怎忍惜紅顏美人自爲
酬恩死百斛明珠買不還

題畫秋柳

月中疎處最秋多，萬縷垂絲映淺波。
曾折長條贈行客，只今黃落未歸何。

已未冬偕韓映山寓邗關，距今十二載矣。

庚午春過小園，携照索題。

曾在隋隄畔相逢，舊有綠吟餘。耽繪事，花外夢遊，
仙握手，權相見，名山畫共傳。小園梅正發，布席待高賢。

愛日園集卷六

七

遊棲霞山

見澹仙詩話

附葛凌千仞遙空，放眼看煙波。塵外遶天地，此中寬石磴，蒼苔古松陰。白晝寒一聲，清磬響疑在碧雲端。

秋日觀八兒雲卿畫烟江疊嶂圖

軒窗高敞，九秋時對景閒看。墨一池兒輩，摘毫舒寸腕，烟雲落紙，湧奇姿。茶餘卷軸還教讀，畫裡山川半是詩。江上雲嵐金碧在，好將着色仿

徐熙

文 戊申秋與張蘿邨江苕池汪問樵方樸齋
登雨花臺汲永寧泉并邀題扇

品泉閑賦短長吟冰雪論交共此心扇底情懷
同月朗筆端應接有山陰捕思勝地皆成雅把
臂他時再入林金石聲留書篋裏依稀長聽伯
牙琴

次日與張蘿邨同人登雨花臺望月翌日

愛日園集卷六

古

遠送長干作別

清曉長干已束裝揮毫各解舊詩囊作宵話到
三更後月照秋林分外涼

步蘿邨見贈元韻

依然張緒舊風流遠付瑤章誦未休兄弟百年
聯片刻情懷一日勝三秋雲仙幽夢迷離合騷
雅文心次第抽從此丰儀思再覲春歸柳上暮
煙收

寓蘿邨之方亭將發前一夜坐月

匆匆明發向前汀
永夕談心上翠亭
月想故鄉還是白
山平太古獨留青
連舟須酌葡萄酒
分韻還隨芍藥廳
惜別那堪遙望處
東風一瀉看揚舲

二月十九蘿邨送至灣頭

滿帆烟月向濃陰
遠送江干鼓棹吟
天下易言新握手
人間難得舊知心
溪流宛似情相接
泉湧渾如淚不禁
送別人看人送別
桃花潭水漫云深

愛日園集卷六

五

江城風雨

江城如畫裏風雨
苦無端陣陣迷芳
堞濛濛隱綠灘
嵐光難近挹草色
但遙看更踐登山
約敲詩興未闌

題畫呈冶堂馮廣文

川嶽鍾英毓性真
愛臨泉石爲傳神
幾多海內

丹青手月旦都憑鹿洞人

拙筆塗鴉興不闌匡廬面目寫來難願將秋樹
雲山色常侍春風翰墨壇

題水蟾女史詩鈔

澤衍康成舊庭閒帶草舒墨花飛繡篋紅粉雜
圖書歷盡水霜境來遊水竹居題園詩句在競
羨女相如

招廬江徐桐坡無錫廉雲階同金寶軒馮

愛日園集卷六

六

東圃游秦淮莫愁雞鳴諸勝

曾記相攜紀勝遊分襟魂夢此勾留重來欲踐
秦淮約莫負金陵十二樓
清淺城西一水幽勝碁千古仰高樓登臨到此
胸襟濶不媿湖名是莫愁

臺城舊蹟倚江洲一帶平蕪翠靄浮夜半有人
吹玉笛雞鳴風雨石城秋

同周綺郵觀瀑布

岫碧翻成白流泉曉夜飛銀河隨地瀉玉帶匝
山圍素色分青嶂寒光劃翠微與君愜幽賞倚
樹戀斜暉

放鳥

直達雲霄上悠然鳥一經乾坤扶兩翼風雨擁
雙翎此去棲金院能來話錦屏坐看徒自羨常
對暮山青

松針

愛日園集卷六

十七

巧織天工錦依然翠嵐尖引鋒開綺幙脫穎破
疎檐月姊頻添線風姨乍捲簾濤聲還濯練新
與試湘縑

同人咏菊

籬菊有濃澹淵明無古今多君留雅意千載有
知音花與人俱瘦秋隨影漸深他時重把袂並
坐碧山岑

看菊夜歸

訪菊歸來晚沾香到葦門樹頭殘月上溪面野
煙昏冷逕雲生履單衫露有痕雞聲鳴乍起霜
信滿前村

壽內人六十

結褵早歲記駒馳甘苦同依有令儀四德人諧
青玉案一家春滿綠楊枝丹鉛教子同余望紅
艷蟠桃爲汝遺今日羣花開映砌銀燈玉棧慶
芳時

愛日園集卷六

六

小園卽景

鳴綠粼粼漲滿池風薰堤外柳搖絲濃春又惹
迂辛醉煙景多逢上巳時濠上儵魚真自樂山
梁雌雉得先知閒牕參悟聊歌枕一夢莊周蝶
蝶隨

喚紅歌

金鷄影射雕欄杆晨光照耀碧雲片雞鳴盥漱
寢門開問安敬視高堂膳高堂八十有八旬得

天強飯坐忘倦日予季兮爾來前男兒應受百
天恩眷報書雨

國文章慎自期一官一邑稱良椽及今強仕往
金臺蔡心不負銓曹選予曰唯唯將遠行欲行
不行猶留戀此中意緒欲語誰偶來索句邦之
媛濃磨新墨寫心懷喚出紅粧來捧研予才不
及謫仙才旁人誤認青蓮面

題徐湘浦霽峯園十八景

愛日園集卷六

九

鐘樓霜曉

景

獨上高樓一舉杯滿天曙色向人開水晶簾外
霜華重無數鐘聲隔徑來
竹堂晴雪中意欲為晴
修竹蕭蕭一片秋滿堂雪意耐勾留此君搗到
時晴帖信是當年王子猷

大恩小樓畫雨

金碧樓臺畫不如一庭細雨晚來初雲林舊有

三層閣合向丹青認故居

桐屋秋聲

瑟瑟秋聲何處來
梧桐葉落點青苔
倚欄忽憶歐陽賦
一度高吟一舉杯

來鷗呼渡

滿地春風漾綠波
有人問渡此經過
狎鷗往事渾無賴
可許前溪打槳歌

濠想觀魚

濯足堂臨萬里流
海天漠漠水悠悠
幾人能作濠梁想
彷彿莊施與惠休

愛日園集卷六

三

梅坡春信

曉來把酒問飛鴻
春日緣何信未通
獨向梅花坡上立
一枝疎影漾東風

湘閣烟波

赤欄橋上望如何
枉渚迴汀皺綠多
一段瀟湘烟雨態
無端秋意落春波

澄瀛垂釣

絕世高人巖子陵富春山上獨攀登有時醉向
桐江釣一片波光萬古澄

水廊印月

十二長廊映水明紅闌處處錦苔生夜來看到
波心月忽悟前生無限情

九松清籟

曾見栖霞九老松蒼茫此地似相逢何當共入

愛日園集卷六

三

香山會歲晚青天騎白龍

霽峯朝旭

朝來旭日挂扶桑獨向高峯試遠望翕翹形霞
臨雉水無邊煙樹曉蒼蒼

笏庵寒火

茅庵十笏晚風前正是初寒料峭天一炷青燈
人定後詩成閒擘澆花牋

佛庵夜課

夜來詩課最關情，擁被微吟對月明。只有如來知我意，拈花一笑悟無生。

殿春詩社

清和時節晚春天，紅藥當階別樣妍。記取謝公詩句好，鳳池真個小神仙。

平臺攝笛

平臺高處耐幽探，月下吟酒半酣最是風流。桓子野數聲長笛滿江南。

愛日園集卷六

文檻波光

綠曲欄干雁字連，波光搖颺到門前。風來吹起桃花浪，可有吳孃六柱船。

蘭泉淪茗

自古中冷第一泉，陸郎品定在君前。一生清福能消受，好把茶經註幾篇。

和于應箕過愛日園原韻

西林萬卉長新芽，未得高軒過野家。雅會欣逢

秋色晚霜林紅勝鬧春花
衡門清極不知寒適合高蹤大是難幸遇各流
青眼顧窻中都作畫中看

丹青有癖愧無聞名士揄揚齒頰芬讀書定知
精潑墨青籐寫意逐三分

山擬平山小似拳浣雲閣敞長風煙故人若肯
留鴻印岍柳垂絲待繫船

安排花徑待名流芳草芊綿綠一洲枝上流鶯

愛日園集卷六

三

啼不住喚人行樂枕林印

情深愛日未窺園海曲遺編載本源知己每來
賢刺史不時蘭訊到蓬門
北海清樽自昔年參差樓閣望羣仙高明乘興
還攜手月榭聯吟筆似椽

孤雁

北征應候雁羣同片影零丁唳未終繫帛嗟難
聯伯仲啣蘆渾似失雌雄天涯獨宿悲離恨海

角孤鳴訴苦衷余亦傷心摧棗萼一聲叫斷夜
燈紅

答張蘿邨見懷

廿載通音問情深尺素中白雲時往復流水隔
西東杯酒涵秋綠霜林趁夕紅佳章思雪和聊
以答遙鴻

和積翠山房懷愛日園

見澹仙詩話

兩地相思澗縈情夢寐中才名齊斗北雲影接

愛日園集卷六

十四

江東掃逕餘苔綠烹茶選葉紅高軒何日過幸
得爪留鴻

遊北五山訪常上人留飲

曉迎晴旭趁東風結伴行吟古寺中細草影迷
芳逕綠茶花色映紙窗紅烹將冬筍春蔬美悟
透三生一笑同今日把杯真適意媿非元度對
支公

桐瓢

樹底初傳落葉飄，秋風百尺掛桐瓢。露盤呈處珠盈菊，斗柄分來星一杓。在昔匏瓜悲瓠落，曾聞陋巷景清蕭。何如枝上離離實，挹注芳馨雜桂椒。

補祝張蘿村生日

餐得黃精發嫩姿，長鑱白柄愛頻持。廣陵花好邀人賞，元鼎丹成只自知。春酒原期穀雨後，佳辰偏誤牡丹時。邗江應有葡萄釀，擬到君家醉

愛日園集卷六

五

玉卮

春日同綺郵廣文游五山泉

春遊同上紫峯巔，花木深深鎖翠烟。羨煞綺郵雙手挈銀瓶，和月汲清泉。

大觀臺望江

浩渺長江九派分，登臨高眺散氤氳。風帆似箭馳南北，遠水空明接日雲。昨夜甘霖濕畫樓，江頭新綠漲痕浮。恬波不動

平如掌檻外春潮萬里流

甲寅春日讀蘿邨吟卷手札寄懷

一代摛文手偏嘗途路艱裁書遺石友得句滿

江關零雨悲秋草琵琶惜玉顏

吟卷有零雨遙辭琵琶行

知衫袖上多少淚痕斑

憶昨維揚泊臨風聽玉簫未窺人柳影虛泛木

蘭橈隔歲魚書至相思虎阜遙何當同把袂留

坐月明宵

愛日園集卷六

美

登燕子磯

石勢臨江學燕飛往來幾度片帆歸三千頃湧

烟中樹二十四迴江上磯無數帆檣潮汐遮滿

江景象菰蘆稀眼前風物皆堪賦山黛飛來染

客衣

祝姻丈楊壺菴八十壽

金門駐節振家聲奕葉勳銘竹帛榮虎帳貽謀

光闕閱雀翎

寵錫荷生成昔時奏凱推叅輔此日談經號伏
生門外五山春正永採將芝草祝耆英

咏西施句

菊花本是陶家種只有西施色最華杏臉含丹
兼帶笑迎風猶似浣秋紗

連宵沉醉東籬下說到西施越樣嬌可是吳宮
留異種至今月下待笙簫

秋柳

愛日園集卷六

七

曾記青韶挂玉絲東風亭館日遲遲烏啼古驛
經零落人到河梁惜別離消瘦小蠻多病後蕭
疎張緒暮年時竚看天上春來早依舊柔條踈
地垂

招友人遊北五山

好趁韶光泛畫船江城風景正無邊溪頭白鷺
飛明鏡柳外黃鸝語翠烟四角青籠山石碎一
枝紅暈海棠眠嘉辰恰好催幽興相約來遊賦

錦牋

小園雪後作

雪後登臨夕照西
小平山外翠千畦
纔臨朔吹蒼崑秀
開到梅花翠羽啼
坐上圍爐呵筆煖
牕中見塔壓雲低
臨風莫訝春寒甚
耐冷吟詩過竹溪

壽勉齋王少尹五秩

官閣筵開晝錦堂
江城士女祝如岡
名標王谷

愛日園集卷六

天

家聲遠籍寄中年
世德長早歲服官
知奏績嘉辰祝嘏競
飛觴他時車馬重
臨莅再賦南飛曲
幾章

題友人桐葉題詩圖

美人何事獨凝思
清院梧桐葉落時
莫向銀床

輕點筆題來料是感秋詩

石上拈來一葉殘
漏聲催月下欄干
酷憐坐久

霜毫落露重花陰翠袖單

步廣陵許蔬菴原韻

千古交情發至文，琳瑯惠愛莫如君。
鴻名久已瞻山斗，佳什真如麗錦雲。
筆墨原因知已重，肝腸多爲飲詩分。
手沾薇露唼三復，座上芝蘭氣味芬。

答張蘿村見懷原韻

風迴瑞雪洒長空，春到梅花信息通。
幸有瑤篇分硯北，不教雲影悵江東。
廿年交契形骸外，兩

愛日園集卷六

无

地相傳詩句中，回憶平山燒燭夜。
二分明月半牕籠。

荅揚州張石橋原韻

太白仙才入夢庚，貽來麗藻佐金觥。
開緘累欲薰香讀，問字思將載酒行。
廿載頻教懷舊雨，一言真可抵連城。
瑤篇好當南山曲，何必傳經問伏生。

謝邗江邱吉人贈詩

年來怕負好良辰，虛度韶光已六旬。
愧我樛材耽守拙，荷君雲誼靄如春。
便蕃珍貺仁風扇，錦繡詩成皓月新。
片楮遙酬知已德，甘年濶別意重申。

冬夜集天海樓聯句

白雲迎客至，陳理堂今日赴君招。周綺邨欲掣

珊瑚筆，丁巢丹還聽琥珀簫。劉澹筮轄投知永

夜，范完初燭剪擬終宵。李漁衫勝會今方始，保

愛日園集卷六

杏橋松濤敵怒潮，孫蔚原

又值煖寒節，理高吟歷六朝。完連翩裘屐會，漁

瀟灑短長謠，杏愧我攜湘管。蔚啣杯慰寂寥，理

一年曾幾見，綺莫負此良宵。杏

和談西臺懷愛日園

小園惟五畝，何幸得高吟。字挾烟雲氣，輝生翰

墨林。一番新雨潤兩地，暮雲深。計日春帆便平

岡坐賞心。

答張懷堡世講

髫年工染翰玉樹立階旁
竒句能驚座清才足肯堂
江雲重嶺隔烟月一庭涼
兩世交情厚詩書奕葉香

甲子初夏悼三女之柏

通文學戴國恩

無端風雨損蘭芽掌上珠
拋暗自嗟何處仙山思
寄跡幾回明月夢還家
三春鞠育隨流水廿載
瞻依附落花廻首燈殘更
盡候歸寧空憶舊

愛日園集卷六

三

時車

丁卯春喜二男雲章入泮

乾鵲聲聲噪柳陰門庭喜氣擬泥金
十年燈火辛勤業萬里雲程父母心
此日春華須勵志他時秋桂卜佳音
瓊樓玉宇須翹首課爾芸窻刻苦吟

戊辰冬喜六男鳳詔入泮

家傳黃卷與青燈又喜芹香次第承
雲路翱翔

須及早雪牕辛苦要相仍慚余已作盞車驥望
女還爲翰海鵬趁此韶華勤努力養成健翮待
飛騰

庚午二月十九悼十女鳳啣

孝友天性墳
在西三里岸
橋之北朝西

忽然拋碎掌中珠九載辛勤盡屬虛一炷香消
殘月候五更花墮曉風初自甘忍病憐兒痛未
及延醫愧我疎昨夢依稀青玉案學將明鏡照
頭梳

愛日園集卷六

三

蘇山行

策杖南郊外東風送客行花飛三月莫鳥轉數
峯晴春色濃于染江光遠更明滄波成沃壤雅
愛漲沙平

遊山腰官閣

山腰懸傑問螺黛自中分門對江頭月窻飛海
外雲聽禽移遠樹策馬趁斜曛不覺留連晚諸
天鐘磬聞

自題愛日園圖

我生五月五襁褓方嚶伊 先嚴肇錫嘉午寶
名嬰兒六齡始就傳書味粗能知吾師左峯子
樂育敦教施爲我揮便面深情厚相期仰首愛
紅日匪獨暮蘭芝書成取表字試拈杏橋詞我
時幼尙昧輟轉凝神思殷勤向師問慷慨爲告
之昔有裴晉公午橋莊如斯錦芳做別墅高會
向南皮元白交唱和眷彼文杏姿汝生剛直午
取義復奚疑至今念疇昔流光倏已馳丹青爲
寫照風景宛在茲瓊林飛乳燕暗水通平池草
堂琴劍書工部夜宴詩借作曉來景春霧帶迷
離安得畫錦堂克慰椿萱枝

愛日園集卷六

三

謝陶山公祖序愛日園集

藻彩舒成五色霞毫端香艷擅才華序成潮湧
昌黎筆文就輝生江令花半畝園林春永駐千
秋翰墨惠無涯薔薇盟手開函讀珍重琳瑯護

碧紗

綠梅

水姿隨意放東園色帶青葱氣漸溫幾點碧雲
岩際出一痕香霧隴頭噴沾來遊展新苔跡染
上輕衫細柳痕恰似美人新睡覺湖山月下酒
盈樽

紅梅

珊瑚枝上月華嬌絕世佳人粉乍調一帶赤霞

愛日園集卷六

三

薰谷口三分絳雪壓山腰皺來溫玉瑕難染煉
出丹心火未銷和靖已遙何遜杳朱唇點出恐
無聊

紅綠梅

春波染色酒侵顏舊日冰容漸漸刪亂捲碧雲

過鄧尉輕翻紅雨出孤山玻璃屏外臙肢艷瓌
珀樽前翡翠斑報道東風漫相妬綠珠紅拂並
肩還

綠梅謝 疊韻

五風十雨到林園，玉骨珊珊坐次溫。
一夜蒼苔連徑塞，三更寒雨上階噴。
碧雲行過憐無跡，翠鳥啣來舊有痕。
百斛葡萄新釀熟，草堂月夕好開樽。

紅梅謝

金谷粧成半面嬌，餘芬殘艷倩誰調。
輕描粉黛迷香洞，淡掃胭脂折舞腰。
紅雨一簾香欲斷，紺

愛日園集卷六

五

雲滿地影難銷，遙看一片玲瓏月斜照。
江城亦復聊

紅綠梅謝

林下行看換玉顏，藏烟隔水影全刪。
任隨柳葉陰鋪地，不逐桃花水出山。
鸚鵡衣隨丹灶冷，杜鵑血染碧峯斑。
飄零尚有餘英在，雲鬢珠環冉冉還。

謝閨秀澹仙題照

聲華自昔著瑤篇得誦新詩句若仙班氏竒才
堪媿美謝庭清詠莫爭妍一經題詠排珠字三
徑雲烟入錦箋老友徐陵相問訊定教佳什海
西傳

水蟾題園景賦謝

好雨正酣紅藥甲新詩相送白雲莊浣花箋上
珍珠字多謝天孫織七襄

絕麗文心賦錦章哀絲脆竹譜宮商從今五色

愛日園集卷六

美

生花筆不屬江淹屬孟光

見澹仙詩話

題畫贈吳雲士先生

晴開江畔碧雲闌流水無聲草閣寒指點遙山
新雨後一鞭猶帶夕陽看

題徐湘浦照

司馬緣何鶴不隨偏教獨立寫新詩多藏舊稿
心如寫小譜新詞婢亦知花月愛逢佳客至笙
歌長擁畫樓遲舉杯若問青天月攜手湖山是

幾時

冬晴集萬綠山莊

江雲迎送一天橫近郭樓臺綠滿盈
怡趣曉暉攜杖過已沾香霽逼梅生
謝公杯酒尋山酌陶令田園籍筆耕
最喜山莊風景麗携柑取次聽鷗聲

蜡臘廿八訪親家綺邨

江風江雨臘梅黃乘興遨遊到畫堂
轉眼莫如

愛日園集卷六

三

流歲速關心最是賞花忙少年兄弟皆將老
滿逕雲山欲比長坐久不知啼鳥喚蒼茫
萬樹譜笙簧

木芙蓉

坡陁何歷落青翠入芒鞋忽見彩雲起
半臨秋水排拳多騷客怨面憶玉人佳
石壁玲瓏處相看艷老懷

聽諸孫夜讀

世業惟千卷藏書爲爾貽諸孫須懋勉寸晷莫
遊嬉蠹簡遺經遠鵬程慰我期課餘山月吐花
影滿庭移

春日同孫斗泉李漁衫周綺邨過水月山

房訪張蘿邨

見說春游好懷開俗慮刪有高人駐寺多雅士
尋山路僻烟塵斷林深鳥雀閒何時同躡屐嘯
傲白雲間

愛日園集卷六

天

軍山東張涵齋先生

脚軟西風硬吹笛上小岑鳥閒多睡意樹老得
秋心明月一聲磬寒邨幾處砧懷人香到榻夢
染桂花深

雨中牡丹

名花著雨艷光浮繡被濃堆越鄂舟香國輕陰
多護惜玉人沉醉更風流嬌緣帶濕翻疑倦弱
不禁狂欲替愁可是華清新浴後盈盈紅粉滴

粧樓

和樊雲坪都督登琅山韻

見五山唱酬集

橐筆南山記舊遊板輿長侍澗西頭
欣瞻羊叔旌旂駐高眺狼峯江海流
文陣雄師班馬匹沙場才子富韓儔
登臨攬勝同寮佐賓雁橫斜萬里秋

江心漲後綠蟠山天海光中客款關
虞福南瞻當戶列江淮東去又潮還
無邊畫閣蒼茫外不

愛日園集卷六

完

盡煙嵐浩渺間九派靈源紅瀉磴
清泉寒玉聽潺湲

驕騶嘶趁小春天白石寒花各自妍
建幟高懸黃葉外輕裘煖踏白雲邊
嵐飛勝地丹霞集入是

昌期紫禁仙留得新詩明似錦
珍珠字映翠微

偏

喜雲章鳳詔兩兒食餼

吾昔敞書樓課兒及深夜兒亦守丹鉛循循弗
敢暇冰署試諸生爲遣鴟鵬化兩兒陟名場先
後芹香賀幸無塵務牽攻書聲相和詞賦各冠
軍歲科名遞播並食

天家餽仰沐

鴻慈大

愛日園集卷六

四

天家餽仰沐

鴻慈大

吾昔敞書樓課兒及深夜兒亦守丹鉛循循弗

敢暇冰署試諸生爲遣鴟鵬化兩兒陟名場先

後芹香賀幸無塵務牽攻書聲相和詞賦各冠

從來勝地都誇曲水之園亦有詞人獨羨親仁
之里千章喬木蔭闕於平泉十里雕甍望芙
蓉於沁水然名高青瑣客滿朱門雖共仰其風
流要無關於思慕若夫林抽孝笋井湧忠泉小
築可以娛親幽棲因而見志如 杏橋兄之別
墅有可傳焉背城半里面對五山徑雖窄而彌
幽地以偏而益趣据玉峯之名勝仍鴻寶之舊
基儀部載咏於前尙書標題於後四時可樂萬

愛日園集卷六 跋

一

景俱収既喜雨而喜晴亦宜觴而宜咏盖曩者
杏橋兄事其 敬亭伯父奉養斯園善承親志
念春暉之漸晚異色笑之常依煥房涼館不違
頤養之馭夕滯晨羞常得嚴君之樂是雖才藏
經濟遲膏捧檄之車色養晨昏長進流霞之醴
故靈椿獨恬其上壽而愛日乃以名斯園也東
都學士南國嘉賓並贈詩章咸投卷牘珠生字
裏霞蔚行間歌辭以玳瑁爲裝書帙以珊瑚作

昨歲九真觀察假歸訪予邗上述其兄 杏橋
先生以園亭花月娛其親親年九十杏橋孺慕
益殷又篤於友誼見前輩遊園及新舊雨之作
無不備錄茲檢同人珠玉并自藁若干卷並付
棗梨益知杏橋純孝人也作爲詩歌如白華陔
蘭取諸寸心獨有千載者矣 世愚弟吳錫麒
拜跋

愛日園集卷六跋



